

menſe junio Medioloano diſcedens, Alexandriam venit. Carolus, luſtratis copiis, in fines Inſubrum illatus, Paleſtram oppidum cepit atque incendit, vicinoſque agros depopulatus eſt. Idem quoque Mendoza cum in Haſtenſi feciſſet, recta ad Haſtam oppugnandam contendit, erectiſque munitionibus, majoribus tormentis quaterere mœnia cœpit. Carolus tumulos quosdam urbi obſectos occupaverat, quibus communis, ſummoveſte hoſtes ab urbis oppugnatione poſſe ſibi ſuadebat. Verum Hiſpani primo impetu Sabaudum relinquere loca, quibus inſederat, non abſque ſuorum militum damno coegere; quo in congreſſu Caluſii comes, Verruæ filius, vivus in poteſtatem hoſtium pervenit. Carolus vero, licet viribus ad impetum ſuſtinendum impar, ſe ſe recepiſſet; id tamen ordinate adeo, atque ex militari præſcripto fecerat, ut, nullo timoris ſigno edito, id potius ſponte ac ſtudio, quam coactus effeciſſe videretur. Hiſpanorum prima cum Sabauda congreſſione per Italiam vulgata, non deerant, qui Carolum acriter carperent, quod parum prudenter cum potentiſſimo Rege bellum ſuſcepiſſet; brevique pœnas temeritatis daturum autumarent: quæ ita ab Hiſpanis efferebantur, ut jam Carolum perdomuiſſe ſibi ſuaderent, palamque dictitarent.

1615
 Mendoza
 et Sabau-
 dus copias
 educant.

Caluſii Co-
 mes ab Hi-
 ſpanis ca-
 ptus.

Ac ſane Alphonſus Queua Patrum Collegium adit, atque in Carolum acerrime invehitur: *Hiſpanos omnes ſui Regis eximia clementie ac bonitati illacrimari, qui tot ſibi a Carolo illatas injurias oblitus, modo copias dimitteret, veniam daturum polliceretur: ingratum eum eſſe, qui tanti Regis beneficiis non deliniatur, non ſelectatur; imprudentem, qui tantum ſibi perſuaſerit, ut cum omnium Regum, quos orbis terrarum ſuſtinet, potentiſſimo, tot divitiis referto, tot provinciis regniſque imperanti, ſibi dimicandum ſtatuerit; denique ſupremo dignum ſupplicio, in quem cuncti, veluti contra amentem inſurgant, atque a furioſo arma e manibus extorqueant: jam, quo illius conatus evaſerint, quo faſtus ac jaſtantia ceſſerit, patere; victum ignaviter ſe recepiſſe; paucorum dierum ſpatio non modo Haſta, ſed aliis quoque Allobrogum ditionibus Regem ſumma felicitate potiturum. In hanc ſententiam hæc atque alia multa a Queva exaggerata ſunt.*

Alphonſus
 Queua,
 Hiſpanus
 orator, in
 Sabaudum
 invehitur.

Paulo poſt Leonius, Regis Galliarum legatus (uti creditum eſt,

H. Mauroceni T. III.

M m

eſt,